

上饒縣志卷二十五

仙釋志

超然妙覺風不可攀非遠儕輩亦近等閒物外高踪人間
別致天籟忘機世緣絕累清風斯友皓月比鄰庸庸流俗
誰識其真志仙釋

唐

草衣禪師不知何許人折薪者遇諸野異其狀貌言於州長
延居南巖三十餘年人咸以草衣號之晝夜坐一繩床塊
然寂默時而發言聞者無智愚莫不領其趣建中三年權

上饒縣志

仙釋 卷二十五

德輿道經邑城聞其名往訪焉為作記

採權德輿記增

慧覺禪師須江人姓徐氏先居南巖嘗趺坐於南巖之大義

石相傳石以是名後主鸞湖寺勅謚慧覺

舊志

宋

詹大順字德常本太霞宮道士劉正夫微時詹嘗為其先卜

兆曰十八年後子孫當居宰輔及驗劉為上言之政和七
年詔赴闕授冲虛法師視朝散大夫陽德觀主持凡五賜
對重和元年授元素大夫請還山詔知鉛山之鴻都觀

通志

按太霞宮屬饒今其址廢為山川壇

江公名顯字則靈邑南四十六都黃掛村人也生宋大觀四年五月初七辰時幼失怙恃兄嫂撫養之冠遊於庠性淡泊絕仕進不婚娶好遊山水飄飄有仙氣生平多神異事兄命之樵遇雨不濡衣嫂命之耘烈日中卿雲覆頂鄉有疫病經醫者無不痊紹興癸丑年二十四遊聖塘道成易肉於池人取其骨和香土塑像以祀厥後水旱疾疫禱立應明洪武時護國有功勅封雷霆雨部侯伯都督元帥景泰三年閩賊鄧茂七作亂擾及信神復助王師討平之事聞賜冠帶蟒袍列入春秋正祀陪祀山川壇父干二墳採

上饒縣志 仙釋 卷二十五

二

獅鳴母張氏墳月光菴兄萬四嫂郭氏墳尿管灣神過此輿輒重止焉設奠於墳輿不復重始行 國朝仍列祀典

靈異尤著云 採金鏡記及江氏家傳增

無住本禪師江州人大惠泉嗣紹興間奉旨重勅建當山詔

師住持後終老饒之薦福寺焉 舊志

徐仁旺白雲山人嘗與丁晉公議遷陵寢事仁旺欲用牛頭山前地晉公必用山後地仁旺言後山地之害埤水長流災在丙午丁風直射禍在丁未聞者不以爲然其後言無

不驗者 舊志

夏日葵號雲巖谷祚觀道士雲遊四方遇異人授以方書遂
精通道法歸值大旱郡守林公延至禱於社稷壇期以三
日得雨果驗卒年六十餘呂巾石題其遺像曰備述雲巖
夏雨翁元修寂寂至無宗號令雷霆摧地魅權衡星斗斬
天虹三步朝元飛紫極九靈躡紀度罡風行溢三千歸洞
府遺下超凡入聖容徒孫方有常得其傳書亦以道術顯
嘗禱雨於郡屢獲應郡守蔣如奇旌其廬曰世承元錫舊志
何和尚者上饒人因丙子亂失母乃剪髮爲僧刺血寫經遍
尋至燕值國方會僧六萬三千人何於會煉臂有一僧問

上饒縣志 卷二十五

仙釋

三

有何願受此苦何具言所以僧云試往京兆府金鄉縣張
宅問之至則張已俱往吉州仕宦矣復到吉州知張爲太
和尹乞食至門曰我信州人有母在此闍人言母出不復
認何具言已與母生辰并外祖父母相向大哭張令加冠
巾約爲兒許娶婦何曰初事佛求母豈可得母負吾初心
乃陳省以母不當攜張以爲買引法力爭之何日哭於省
前省爲之動後竟得母以歸據趙文何和尚尋母詩序
趙文何和尚尋母詩寫經母血盡長素母容枯燒蜜煉
頂臂孰非母肌膚豈不痛至骨爲母忍斯須南北萬里

緣來往如趁虛天高孝可感報應非浮屠出門訪東家
遇否不可虞茫然求我天再見得所圖昔者別兒時那
有此頭顱明明陳左驗大痛絕復蘊向來相妬人泣下
成歎歎收淚相勞苦何異得乳雛不即遂其志彼張非
丈夫冠巾有婦子諒亦母所娛爲佛再有母初志不敢
渝但期百年內奉母與佛俱雖非聖賢事區區守其愚
爲君賦高誼感我真窮孤棄我十二年入母我獨無天
涯尚可尋地下不可呼

明

上饒縣志

仙釋

卷二十五

四

廣心禪師號養菴叢桂坊人姓鄭氏華山僧真定法嗣也居
家孝友一日聞客談含生皆有佛性遂決意出世禮翠峯
祝髮入燕都訪華山真定定以雲門六不收公案驗之當
下脫然定囑曰濟宗一派古今流本分生涯六不收百尺
竿頭親撒手直須海外下金鈎師大悟歸住靈山中臺旋
上峯頂見大義禪師舊址斬草重興遂禪律兼行用無縫
鎖一把掛法堂榜曰上古流傳鎖憑君智鑰開若無開鎖
不須來壽八十一塔於本山唐帽峯嗣法席者舒

慧林本鄒乃養者嫡孫四祖起高和尚法子也

通志

智闇禪師號雪關六十一都人傳崇儉子也參博山究船子
藏身公案偈曰直下相逢處由來絕覆藏舌頭原是肉嚼
破也無妨山不肯點頭謂其風骨太露乃揜關謝客懸鏡
反參偶作雪關歌呈之山始待以座嘗受瀛山請居無何
博山回首師往來瀛博之間觀察曹公請住鼓山再興湖
墅佛事莊嚴後病於瀛山微笑而逝

通志
舊志

附雪關歌天地一蘧廬古今誰構始而我揜斯關安居
毛孔裏毛孔不窄關不寬金烏玉兔時往還照見幻棲
關裏事玲瓏八面渾無阻坐聽流泉松下鳴倒看雲影

上饒縣志

仙釋

卷二十五

五

峯頭露青天放眼瞠不睹石人欬唾生風雨有時藏身
沒踪跡檻外橘枝分野色有時沒跡莫藏身釣盡寒潭
躍浪鯨此關何爲雪呼六六月紅鑪飛霰撲我關不記
春與秋花開葉落山常幽我關不占天和地一段光明
覆無際我關非內亦非外扁舟蕩漾遊滄海我關非動
亦非靜旋嵐偃岳心恒定萬象爲關關萬象空合空兮
聯帝網舉而不下高不危踈而不漏暗復朗誰謂此關
小圓合太虛無欠少誰謂此關大只在一塵含法界法
界所有關中聚笑擲大千爲戲具法界無物關中空放

開捏槃如游龍龍飛虎步咨騰踏板橋忽動霜蹄滑劈
破雲門一家關剔起眉毛還險煞有問關中主若何指
頭無縫機全活

皇清

白法琮禪師邑之鄭氏子興建樛李四利楞嚴尤著厯主大
叢林四十年宗伯錢謙益司農曹溶有贊

舊志

附錢謙益贊坐穩跏趺床據曲盃如入禪定枯藤稿木
長老尊宿耶深沉其息凝眸其眸摠衣斂容有請有求
者俊人勝流耶蒲團寂滅香篆帖妥搖松非人握塵喪

上饒縣志

仙釋
卷二十五

六

我默然無言則知其爲許可也

曹溶贊紫樞黃輻聖人室秦火以往莫能詰失其太初
乃旁溢左推右挽作丞弼匯於通源道無室美士蹶興
耀朝日孝爲中坻百行苗抑而弗居猶扣質酌對鏗然
叶繩律小儒聞者色寒栗杼心示之當有述斥割枝蔓
守至謚無日超世天所逸

續崖諱超羈沙溪龍門寺釋所之歸安人俗姓吳氏先世宦
達少奉儒業以孝聞母疾刲股者三而不能起乃憤志出
世嗣法於全菴進禪師系爲大覺普濟能仁國師玉林琇

和尚孫因慕匡廬之勝道經上饒之沙溪寓錫龍門師力
作旃旆以眞實行作勝因多所修建闡揚道法於茲幾三
十年旋成法席而其篤行性成嘗作報本書以見志能詩
文富著述有語錄詩集行世今佚

舊志

附論

竊惟仙家之學主於養生其道以清心爲要釋氏之教
主於勸善其法以戒殺爲先此亦近於聖賢守身愛物
之意未始不足警覺乎世人之徇欲忘身而恣爲不善
者而一則同於爲我一則同於兼愛其流弊之所至方

上饒縣志

仙釋
卷二十五

七

士沙門飾其說而市其術有求長生而不得以金丹而
戕其生者有願捨身而不惜以菩薩而禍其身者則其
虛妄之足惑人實甚然此皆非其立教之本旨也學之
者惟在得其修行之要道於潛虛守寂之間而已饒邑
山水清高多幽泉奇石有塵外境焉羽客禪師間出其
地多清修而有得者其仙佛之果成與否未可知亦可
存而不論要之所可知者名教多樂地卽人間之仙境
也鄉里稱善人卽世上之活佛也彌爾性而身其康強
攸好德而子孫逢吉卽仙家延年之上藥釋家種福之

善因也人亦求為地行之仙而修其心頭之佛焉可乎

二龍系志 仙釋

八